

內藏忌寸全○全原作金、成多朝臣犬養等一人、乘驛入京、先申軍中委曲、其餘者待後處分、八月辛亥、陸奧按察使正四位下藤原朝臣小黑麻呂征伐事畢入朝、特授正三位、

〔續日本紀三十九〕延曆七年三月庚戌、軍糧三萬五千餘斛、仰下陸奧國、運收多賀城、又楠二萬三千餘

斛并鹽、仰東海、東山北陸等國、限七月以前、轉運陸奧國、並為來年征蝦夷也、辛亥、下勅曰、調發東海

東山坂東諸國步騎五萬二千八百餘人、限來年三月、會於陸奧國多賀城、○下

〔續日本紀四十〕延曆八年三月辛亥、諸國之軍、會於陸奧多賀城、分道入賊地、壬子、遣使奉幣帛於伊

勢神宮、告征蝦夷之由也、六月甲戌、征東將軍奏、副將軍外從五位下入間宿禰廣成、左中軍別將從

五位下池田朝臣真枚、前軍別將外從五位下安倍媛島臣墨繩等議、三軍同謀、并力渡河、討賊、約期已

畢、由是抽出中後軍各二千人、同共凌渡、比至賊帥夷阿氏流為之居、○居原作君、有賊徒三百許人、迎

逢相戰、官軍勢強、賊衆引遁、官軍且戰且燒、至巢伏村、將與前軍合勢、而前軍為賊被拒、不得進渡、於是

賊衆八百許人、更來拒戰、其力太強、官軍稍退、賊徒直衝、更有賊四百許人、出自東山、絕官軍後、前後受

敵、賊衆奮擊、官軍被排、別將丈部善理、進士高田道成、會津壯麻呂安宿戶吉足、○足原脫、大伴五百繼

等並戰死、惣燒亡賊居十四村、宅八百許、烟器械雜物如別、官軍戰死二十五人、中矢二百四十五人、投

河溺死一千三十六人、裸身游來一千二百五十七人、別將出雲諸上道島御楯等引餘衆還來、於是勅

征東將軍曰、省比來奏云、膽澤之賊、惣集河東、先征此地、後謀深入者、然則軍監已上率兵、張其形勢、嚴

其威容、前後相續、可以薄伐、而軍少將卑、還致敗績、是則其道副將○副將二字原作、等計策之所失也、

至於善理等戰亡、及士衆溺死者、惻怛之情、有切于懷、庚辰、征東將軍奏、備膽澤之地、賊奴與區、方今

大軍征討、剪除村邑、餘黨伏竄、○竄原作龜、殺略人物、又子波和我、僻在深奧、臣等遠欲薄伐、糧運有艱、

其從玉造塞、至衣川營、四日、輜重受納二箇日、然則往還十日、從衣川至子波地行程、假令六日、輜重往

還十四日、惣從玉造塞、○塞原脫、至子波地、往還二十四日程也、途中逢賊相戰、及妨雨不進之日、不入